

---

## ***DASTANA MISHEFÊN CERIBANDÎ***



**Hesen Kaya/ Stenbûl**

---

**1**

Di bajaran re em bihurîn

Kolanên wan gijbûyî

Daw, daçikandî

Li çaryanan gunehên barîner, gijlok

Bi destê xwe nixumandibû rû

Çaterêyan

Ji bêhna potînên paşayî

Ewran, ji biskên xwe

Poşmanî dadiweşandin

Çarmedor

Xewnên risasî

Kevza tenêtiyê li ser dîwarên ka-  
vil

---

Nikulê keysperestiyê  
Li ser xeyalên dawerivî  
Zêwa serkeftinê  
Mihrcana mirdan  
Tofan  
Û qirkirina nûciwanên du nifşan  
Bar kirin vî warî  
Çivanên gewremizgîniya xew-  
nên avzêrî  
Barana hatî  
Hemû pelezerê temenî vema-  
liştin  
Di stûyê berşîr û mindalan  
Bazbendên penaberiyê  
Li ser eniya wan sirgonî. tenî  
heyvek  
Li lînûska alfabeyê  
Dilopên keserê, nexwendî  
Û kelogiriyek  
Li ser pêşîra jinebiyan vezilandî  
Şehweta balixiyê  
Li ser termê bêkamiyê kokimek  
Di hedezaneyê de  
Ref bi ref em xesandî  
Çiqas hebûn  
Peyvên veşartî  
Yeko keko  
Me ajotin  
Ber devê çekên dilmayî

## 2

Wan çeman  
Bi serê serkeftinê sond xwa-  
ribûn  
Çiyayan  
Berbisk û gulçiçek  
Bi gurçikên xwe ve dirûtin, sala  
gonê  
Li beramberî cemedê  
Wan çiyayan  
keçemêr  
dînemêr  
Serhildêrên zemanî  
Di barehgeha dilî  
Û  
Di berîkên şikeftên herî  
Kum û kolos û kulavên keji de  
Sincirandin  
Wan rojên bapûkî  
Milyonan çav  
Legel dil  
Tirêja hêza hêviyê  
Li ser keskesoran kilîd bûn  
Lêv  
Li ser nivîştî serkeftinê  
Lawij  
Sirûd  
Dîrok  
Dawet û şîn

---

Li demjimêra azadiyê siwar  
Bi qudreta kaniya kil  
Lêmîştâ gîrnijîna bûkên salî  
Tevnê xalîçeya dahatûyê  
Nîşan ji kêlika armancê girt

**3**

Nofek zîpik  
destek baran  
Bareşek li ser goristanan  
Miryên pak  
Ango pakrewan  
Lehengên çemê sondxwarî  
Pezkoviyên çiyayên çargurçik  
Pirtûkên ceribandî  
Vediçirînin  
Li civîngeha goristanê  
Mirî  
Zindiyên nawestgehê  
Mêvanên Yezdanê gewre  
Ango  
Derketiyên vê cîhanê  
Vediçirînin  
Disojin  
Di wijdanê qralekî bêwijdan de  
Mishefên ceribandî

**4**

Heçî zarok in

Hehecîk in  
Dilopên pak in  
Ji eniya Ehrîman  
Xeydok  
Lerzok  
Behitî  
Di vê gêjgerînkana naletkirî  
Ya li ser xaka welatî  
Her gav û kêliya sî salên axirî  
Zarok  
Gulok in  
Rîsê xav  
Kulîkên xwînî  
Dahatûya me ya desteserkirî

**5**

Li ser  
Sûretê xak û zuriyeta min  
Tivinga daleqandî, dilmayî  
Govend faşibûyî  
Bêhna hêmiya genî a salan  
Li ser betona zindanan  
dûkelîner  
Mishefên ceribandî  
Awirên zarokan  
Tûrek e  
Barek e  
Zarzarek e  
Li ser piştâ dayikan

---

Heçî azadî û

**6**

Maf û serxwebûn e  
Di pêpelûka qesra qirêl de  
Hevraz e  
Maye  
Dûre  
Zûrezûre  
Kêferate  
Lê Bawer bike  
Dawiya dawî, felate  
Felate  
Heçî ev gotin in

Pestgotin in  
Di şeveke xedar de  
Laş sincirî  
Li ber tayê  
Bi hişekî nîvronak

**7**

Heçî pestgotin in  
Wekî navê xwe zanim  
Li wan nabe sibe  
Hemû ewê şikerkevin  
Li ber deriyê  
Bebangeke çiksayî  
Bi çavên felatî